

UVOD

U radu sam željela da predstavim PDV (Porez na dodatu vrijednost) njegov nastanak, karakteristike i primjenu u trgovini na veliko. Cilj istraživanja moga rada bi bilo teoretsko pojašnjenje i praktična primjena PDV-a u trgovini na veliko.

Trgovina na veliko se javlja kao posrednik između proizvođača i trgovca te ima poseban značaj u osiguravanju stabilnog i kontinuiranog snadbjevanja. Ona bi se trebala obavljati sa što manjim materijalnim i finansijskim troškovima kako roba ne bi bila skuplja nego što je nužno kada stigne na odredište.

Do 31.12.2005.godine u primjeni je bio porez na promet i usluge. Trgovina na veliko je bila oslobođena plaćanja poreza na osnovu narudžbenica (repromaterijal, osnovna sredstva, sredstva za reprodukciju).

Porez na dodatu vrijednost (PDV) uveden je 01.Januara 2006.god koji je zamjenio dotadašnji sistem poreza na promet proizvoda i usluga. Treba naglasiti da uvođenjem PDV-a u BiH trgovina na veliko je izjednačena sa ostalim djelatnostima koje se bave prometom robe , jer u sistemu PDV-a se oporezuje sav promet što će biti i prikazano.

Prvi korak u susretu sa PDV-om privrednih subjekata koji se bave prometom dobara i usluga je bio registracija. Svi privredni subjekti čiji ukupni promet prelazio iznos od 50.000 KM na godišnjem nivou imali su obavezu da se registruju kao PDV obveznici. Na taj način su ušli u sistem PDV-a i u skladu sa Zakonom o porezu na dodatu vrijednost se moraju i ponašati.

Kroz rad će biti predstavljene osnovne funkcije trgovine (nabavka i prodaja), kao i ostale situacije s kojima se susreće trgovina na veliko u sistemu PDV-a. Treba posebnu pažnju obratiti i na evidenciju koja je obavezna da se vodi u trgovini na veliko (KIF i KUF) kao i formiranja prijave za PDV koju je potrebno izvršiti do 10. u mjesecu za prethodni mjesec i platiti iskazani PDV.

U sistemu PDV kao obračunski period se uzima jedan kalendarski mjesec.

S obzirom na kratak period primjene PDV-a u trgovini na veliko ne postoje bitni statistički podaci na osnovu kojih bi se dalo zaključiti koji sistem je povoljniji za trgovinu na veliko.

Na osnovu konkretnih primjera i kroz računovodstveno evidentiranje biti će predstavljene situacije s kojima se trgovina na veliko susreće.

Osnovne informacije o navedenoj temi „ Trgovina na veliko u sistemu PDV-a „ sam prikupljala kroz praksu, časopise za ekonomiste, knjige, priručnike.

Treba naglasiti da se u praksi dešavaju primjeri koji nisu navedeni u zakonskim okvirima, te se takvi primjeri moraju rješavati u hodu odnosno u momentu dešavanja uz saradnju sa UIO. Što bi u prevodu značilo da je praksa ispred teorije.